



21797

III

Mag. St. Dr.

P

tinus

*Biezanowski Stanislaw Jos. Posthuma intactae
victibus claritas d. M. Martini Radyminski.*

PANEG. et VITAE

Polon. Fol.

N. 1095.

Biblioteka Jagiellońska



stdr0002800

POSTHUMA
Inextinctæ Virtutis Claritas,

Clarissimi olim, & Excellentissimi Viri,

D. M. MARTINI
RADYMINSKI,

Philosophiæ Doctoris, Collegæ Maioris, Tradnouiani
Professoris, Protonotarij Apostolici,

Magno omnium dolore extincti,

Ex eiusdem virtutum, & eruditionis luce clarissima,

Ad perennem immortalis gloriæ memoriam,

DEDUCTA;

ET

Inter luctuosas Iustorum funebrium exequias,

Ab Vniuersis Academia Ordinibus,

AD

CRACOVIENSIS

Ædes D. Michaelis Archangeli,

PP. Carmelitarum Discalceatorum Conuentus Cracouiensis,

Eidem persolutas,

A

M. STANISLAO IOSEPHO BIEZANOWSKI Leopl.
Philosophiæ in Alma Vniuersitate Cracou. Doctore.

*Debita gratitudinis, & mœstissimi cordis affectu
victura perennitati*

SERVATA.


Anno Restauratæ Salutis 1664. Die Septembris.

CRACOVIÆ,

Apud Hæredes & Successores Luca Kupis, S. R. M. Typog.

9. i

21.797 III



POSTHUMA

Inextinctæ Virtutis claritas.



I lachrymis fas est, quoties sinè lege feruntur,
Lugubrem posuisse modum; nec tota per undas,
Tempestas mœroris abit, quam corde locamus;
Immodicas modicis liceat frenare catenis
Mœstitiæ vires, & acerbi pectoris ingens
Sistere diluuium; donec præcordia ruptis

In lachrymas rursùm destillent vda fluentis.

Vmbrarum quas vrna trahit, tristesque cupressi,

Sæua quidem vis est. nil hoc velamine fati

Tristius, ad lucis quoties dispendia fertur:

Non tamen hæc mentes vis vrget sæua togatas,

Vmbra quibus vita est; sed lux clarissima mortis.

Viuimus ante diem, Cathedra, librisque sepulti,

Immorimurque togæ; tantò fulgentius olim

Arsuri, quantò luci minùs, atq; prophanæ

Debuimus scenæ. latebris quæ clausa togatis

Gloria, se vano populi custodit ab æstu;

Eruptura palàm seruat compendia magni

Luminis, & tantò collectior ibit in orbem.

Nec tua lux animi, nec quæ virtutibus arsit

Lampas inextincti splendoris, flebile multis

Vmbrarum patietur onus, Clarissime quondam

Phæbe Sophûm RADYMINSKI nam tu pulchrior indè

Splendidiorq; redis, multorum fama perennes

Vnde timet tenebras, feretrum tibi grande theatrû

Lucis, & à tumulo cumulus tibi surgit honorum.

Mergitur Oceano Titan, fessumque sub undis

Neptuni Piroenta locat; vacat orbis, & altus

Omnia somnus habet: sed quis tunc busta diurni

Luminis esse putet? cùm Phæbe conscia tanti

Splendoris, rutilæque faces, iubar omne, decusque

Ad Solis referunt, quamuis sub nocte latentes

Peruigiles radios; quos mox Titonia coniux

Cum Roseo vehet ipsa die, caloque reducet.

Scilicet in claros vmbrarum nulla potestas;

Qui sibi, non aliis debent primordia lucis;

Et magis

BIBLIOTH. UNIV.



JAGIELLOŃSKAE

Et magis à proprio mentis fulgore nitescunt;
 Fortunæ variam quam si librentur ad auge.
 Hæc tua sors fuerat RADYMINSKI docte, tuæque
 Immortalis honos, & fax nitidissima laudis
 Ex animo deducta tuo, meritoque laborum;
 Quàm proin ambiguâ rerum sub imagine ferri,
 Occasumque pati, communi lege cadentium;
 Haud mihi persuadet, quæ te certissima debet
 Fama sequi, concorsque virum sententia de te,
 Posthuma virtutis solidæ tibi nomina seruans.
 Nam mihi natales quoties contemplor, & ortus
 Vir præclare tuos; toties cunabula lucis
 Palladiæ mentem subeunt. dum Roxica tellus,
 Eoæ propior Plagæ, sæcundaq; magnis
 Numine propitio, Doctorum mentibus, inter
 Samboritana tulit te prisca oracula Phæbi.
 Hic nasci decuit, decus olim grande suorum,
 Victurumque bono communi; quod tua sensit
 Ignoto euigilans vigilanti gloria busto;
 Postque tot ætates, cinerum squallore fugato
 Marmoreo decorata tholo; constaret ut orbi
 Quam benè Samboriæ RADYMINSKI lucis honores
 Curaret, Patriumque iubar quàm crescere magnis
 Vellet in augmentis; qui solo nomine tactus;
 Noluit ut tanto cineri grauis incubet, atque
 Ossa premat tellus. nimirum regula vitæ,
 Norma que virtutis solidæ, Vigilantius illi
 Samboritanus erat; vero quem calle secutus,
 Maiorum docuit quantum vestigia profint.
 Nempè illi prima hæc sapientia, summaq; visa est;
 A teneris seruare Patrum, quo tramite ductum
 Collimaret iter; prisca laudataque sæclis
 Vota sequi, virtute pari, fidoque labore.
 Huc geminæ laurus directa insignia, postquam
 Castaliique virum fontes, musæque fluentis
 Potauere suis; suadæ nectarque disertum
 Os verbis illime dedit; quo summa deinceps
 Ille Cathedrarum tenuit fastigia semper.
 Huc quoque peruigilis studii Peripatus, & alta
 Spectauere Sophum sacraria; donec in Orbis
 Progressus faciem, longinquas viseret oras.
 Terrarum quascunque adiit, lectissima quæque,
 Atque olim magnis rerum conatibus apta
 Obseruans, patriæ, Cracijq; ad commoda Phæbi.
 Sic Alemanne tuas adiit, sic Austria gentes;
 Et quæ se prisca iam collibus altiùs, orbi

Patriâ Sambori-
 tanus.

Gregorio Vigilantio Samboritano
 monumentum
 Marmoreum im-
 pensis proprijs
 posuit.

Peregrinatio ad
exterarum Nationes.

Vocatio ad Colle-
gium Minus, &
Maius.

Orationes habitæ
in Promotionibus.

Anno Dñi 1644.
Schola est parua
Respublica.

Anno Dñi 1645.
Studiorum Nobiliss
Poloni natus Phi-
losophia Moralis.

Eodem Anno.
Felix imperium Po-
lonum regnante
Vladislao IV.
Anno 1646.

Vaticanus apex, Romana tollit in vrbe;
Et quæ Tyrrenum vasto latus vnda flagellat
Circumuecta mari; Graias quoque sæuus in oras
Adria prospectans, tumidos quæ proijcit æstus;
Imperij normas, census, decora, arma, sitisque;
Ingenia, affectusque hominum, commercia linguæ,
Publica Doctorum subsellia, mente reuoluens;
Quanta peregrinis docuit prudentia terris,
Maturo veniat sapientis pectore culta.
Ergo sinum Patriæ, tantò iam clarius, atque
Sarmaticas repetit, curis perfunctus, Athenas;
Inferiturque viris; quos Lechica Pallas ad vnguem
Formauit, certa que dedit gaudere Cathedrâ.
Hic mihi iam liceat, lucis momenta secuto,
Clarius ad tanti contendere nominis augem;
Atque togatorum medio quam fulserit axe,
Fax hæc clara Sophum, niueo candore fateri.
Socraticas noctes, & quidquid docta Cleanthis
Lampas habet magnum; seu quidquid dura Promethæi
Fabula, continuas voluens sub imagine curas;
Archimedisque animum, Siculâ qui fixus arenâ,
Victoris Latij tonitru non sensit, & enses;
Non mihi Parrhasij referant arcana Lycei
Attica neue canat; satis est, quod Cracidos altæ
Doctorum series in te suspexit, & vno
Censeri voluit, vir præstantissime, censu.
Sudasti quæ parte tui perfectior ires
Ad suadæ, Stoæque decus; nec dulcior vnquam
Esca animi, nec cara quies, nisi iuncta labori;
Qui monstrum lethale alijs; tibi vita, tuæque
Indolis immortalæ alimentum tanta proinde
Cura tibi, quamcunque vocat te Pallas ad artem
Muneris exacti; tantumque per ardua nomen
Rostra; togatorum quoties insignibus ornas
Docta iuuentutis capita, & gratissima Phæbo.
Audijmus, sensimque; redit memorabilis illa,
Eloquij dulcedo tui; cum parua scholarum,
Imperij vastis aptare negotia rebus,
Arbitrio suadæ poteras, mox optima morum,
Lechiacæ pubi, formans præcepta Stagyra,
Ad nidum prolis generosæ corda vocasti.
Quanta Vladislai fuerit regnantis, in Orbe
Sarmatico, pacis maiestas; quamque beatæ
Portio fortunæ, te decernente, Polona
Constituit Pallas, maduit sed nectare docto
Nil magis; quam matris carissima nomina, magnæ
Per Le-

87

Per Lechiam matri studiorum, vindice suadā,
 Dùm tribuis, doctoq; animos sermone triumphas.
 Mercatura dein sapiens, quibus optima curis,
 Lucra ferat; quantumq; Arabes transcendat, & Indos,
 Quamq; bonæ spei facundum sit caput ipsa
 Diuitijs opulenta suis, prædiuite fandi
 Vbertate probas. pariter facundus, & acer
 Stemmata Nobilium, Laurus cinxisse togatas,
 Dùm memoras; gentiq; olim dilecta Polonæ
 Ornamenta togæ, ceris inserta vetustis,
 Ad Lechiæ spectare decus, conuincere certas.
 Vidimus & dotem per te regalibus æquam,
 Præstantemq; opibus; quam paupertate togatâ
 Metiri placuit. celsam quoq; Palladis arcem
 Vidimus, armisoni contra furibunda Gradiui
 Bella, trucesq; animos; quos tùm Cosacica fudit
 Tempestas, cæsarq; acies castrisq; fugatus
 Miles, & extremæ propior res nostra ruinæ.
 Sed neq; religio doctas tibi credere laurus,
 Adq; coronati capitis cessabit honores;
 Qui sibi Palladiâ deberi vincis in arce,
 Hoc virtutis opus; nec vertice pulchrius villo
 Spectari; quàm Religio quem sacra reuinxit.
 Altius hinc matura tibi facundia surgit;
 Iamq; doces, regni quod præstantissima pars sit,
 Alma Craci Pallas; medioq; in corde locanda
 Sarmaticæ volucris; paribus quam sæpe reuolui
 Fortunæ vicibus, similiq; resurgere fato,
 Conuincit rerum facies, & temporis ordo;
 Totq; periclorum series, tot fulmina belli:
 Post quæ, tu ceu dulcis olor, gratissima celo,
 Extremo sermone canis, soluisq; tributa;
 Grande bonum ereptæ celebrans, ex ore Leonis,
 Vandalici patriæ; vestigalesq; togati
 Perfoluens grates populi; quas gratia castis
 Ipsa videbatur manibus formasse, fauisq;.
 Hæc tua lux suadæ; quàm publica vota probarunt;
 Quæq; tibi victura micat; sed non minor ambit
 Te diuina Sophûm lampas, splendorq; Stagyra.
 Hercules tibi namq; labor, cùm nescia vinci
 Pectora, mille animi curis, studioq; dedisset;
 Terna Decanatûs meruit fastigia, tresq;
 Inde tibi Laurus, triplici conamine ductas,
 Ad delubra Sophûm posuit. Deus optimè! quam tunc,
 Præsida te, studij facies pulcherima! quamq;ue
 Sedula cura tibi, tanti rem muneris, inter

Academia Crac.
est vera Mater.

Anno Dñi 1647.
Sapiens merca-
tura.

Eodem Anno
Laureata Nobi-
litas.

Anno Dñi 1648.
Dox Academiæ
Crac. paupertas.
Eodem Anno
Arx Sapientiæ
tutissima.

Anno Dñi 1649.
Laureata Corona
Religiosa.

Anno Dñi 1652.
Academia est
pars Reipubl.

Anno Dñi 1659.
Grande diuini
beneficij ob ere-
ptam, ex fauci-
bus Leonis Sue-
cici.

Patriam, Vrbe-
m, Academi-
am, Ar-
gumentum.

Triplex Decans.
tus in Philo-
sophi-
ca Facultate.

**Cursus Vladi-
slauianus.**

**Fascia conclusio-
num ad disputan-
dum ex Cursu
proposita.**

**Decissio Quæ-
stionis Iuridicæ
pro Adm. R. D.
Stanislao Rozi-
cki.**

**Decissio Quæsti-
onis Theologicæ
pro Adm. R. D.
Alberto Dabro-
wki S. Theolo-
giæ Doctore.**

**Infracta animi
constantia sub
tempus belli
Suecici.**

**In Generalibus
Regni Comitij
rei Academicæ
in signis cura.**

**Publica Doctorum dextré certamina obire;
Communiq; bono discendum, mille laboris
Tædia non sentire; suis modo Sparta Sophorum
Legibus ex voto Patriæ titulisq; feratur.
Sic ubique exactus, non perfunctoria spiras,
Nec leuib; curis venientia. Viderat istud
Sparta biennalis longè clarissima cursûs,
Plena operis, laudisq; decus latura perenne;
Fascia cui tandem perfecta, coronidis instar
Imposita est; quantusq; viri sudauit in isto
Conatus studio, productâ luce probauit.
Sic Themis ille Craci, sacrum consi;que tribuna;
Roziçii festis cum Doctoralibus olim,
Visus adornasse; & legum penetralibus aptam
Ingenij monstrasse aciem, sic grande theatrum
Theologæ Cathedræ, virtus cum digna meretur
DABROVII, felice gradu sublimia scandens,
Dogmatis, ille sacri perplexa arcana resoluit;
Adque facultati docuit quam proxima tantæ
Pectora sortitus gereret, pronusq; dicaret.
Quippè illi mens alta fuit, par omnibus, & se
Ad quodcunq; genus studij, suadâq; styloq;ue
Inclinans facile, ignauæq;ue inimica quieti,
Acri iudicio pollens, & prouida cautis
Vndiq; consiliis, constans, & nescia frangi;
Quod Leo Vandalicus sensit, stupuisse coactus
Mascula corda viri; dum murus Acheneus illi,
Infracta virtute minis, & fraude videtur.
Insigni exemplo stetit inconcussa Mineræ
Gloria tum Craciæ; stetit illibata togati
Integritas animi; vapidumq; exercuit hostem
Magnum pectus. facies quod publica regni
Rursus, in Augusto confesso munere vidit
Eximie functum commissio; dum noua vanis
Gymnasia assurgunt titulis, splendorq; vetustæ,
Maiestâq;ue Scholæ, grauib; conuellit ausis;
Illustres animæ ni tum conatibus istis,
Oppositos sensus tenuissent; quod tua fecit
Solliciti virtus animi, par dulce virorum.
Nempè boni communis amor, mordacibus ipse
Dulcorem curis affuderat; & leue fecit
Tantæ molis opus. calamo qui mille labores
Iniunxit, doctamq;ue manum sudare, perenni
Iussit in obsequio, rerum dignissima seruans,
Deque secutura cupiens ætate mereri.
Hoc egit sacræ Diuina oracula legis,**

Elatio

Elatio, patrij reuocans sermonis ad vsum ;
 Casta que virgineæ plantans viridaria laudis,
 Deliciasque bonæ mentis floralibus ornans,
 Deuoto natis calamo. nam rore salutis
 Purgantes flammâs extinguere, cordaque merfis
 In fundo vitiis, vero mollire dolori
 Nonne amor ipse dedit? sacro pietatis ab igne
 Succensus; qui casta etiam consortia carûs
 Virginei, niueasque animas, vernacula ferre
 Virtutum monita, & leges curauit honestas,
 Omnino prodesse uolens; qui publica regni
 Dum siluisse nequit dispendia; protulit ingens,
 Agnosci que dedit damnum; quod sæpe recusis
 In speciem nummus pretio fallente, Polonis
 Infixit rebus, nullo prohibente ruinam.
 Se tamen haud alias, tanto dedit impete mentis
 Ad calami curas, indefessumque laborem;
 Insolito quam cum vix comparabile ductu
 Caput opus, deducens res ab origine prima
 Tot per circuitus per tot casusque, vicis que,
 Ad numerum seriemque suam, feliciter omne
 Componens sæclum. mox accuratius ipsos
 Annorum cursus, & quos schola publica regni,
 Exegisse dies meruit, conamine vasto
 Obseruans; totum monumenta quod aurea, doctæ
 Palladis insigni quondam cum laude loquentur:
 Quasque per aduersos res Iagiellonica casus,
 Solliciti curas exhausserit ante laboris;
 Quam virtute virum steterit, quantisque superstes
 Litibus, infestos superauerit vna furores,
 Veraci referent ad posthuma sæcula scripto.
 Sed mihi quæ tandem, modica testudine nixo,
 Audacis Musæ spes, & non æqua potestas?
 Lucis opus tantum tenui, deducere cantu.
 Tu lux, tu mensura tui, tu maxima laudum
 Ipse tibi series, curis maioribus olim
 Digne, secuturi RADYMINSKI gloria sæcli.
 Quæ tua lux fuerit vitæ; quantisque decora
 Ex animo ductis virtutibus; vltima vitæ
 Ostendit scintilla tuæ. dum colligis ignes
 Quis tibi præluxisse datum, fulgentior Orbi
 Ortus es, æternumque tibi iubar inde parasti.
 Tum tua se pietas, animi constantia, spesque
 Nixa Deo, secura quies, mens conscia recti,
 Ordoque perpetuus vitæ, seruataque sanctæ
 Integritas legum, constans dilectio veri,

Scripta in lucem
 sub alieno nomi-
 ne edita.
 Elucidariû Theo-
 logicum.
 Hortulus Vir-
 gineus.
 Ros Salutaris.

S. Euphemia
 Polona.

Libelli de re mō-
 netaria editi.

Ex manu scriptis
 restant Annalium
 Centurix tres.

Fastorum Tomi
 quinque.

Controuersiarum
 Academiæ accu-
 rata descriptio.

18. Augusti inter
 octau. Assumpt.
 B. M. V. pie &
 placide moritur.

Ad placidæ mortis momentum clariùs, vmbrie
 Exerere suis, & apertâ luce micantes
 In solidum fullere decus; suspiria dum tu
 Extremosq̃ polo gemitus transmittis; & inter
 Assumptæ in cœlum solennia festa Mariæ,
 Virgineos sequeris felici sorte triumphos.
 Hæc tua fors vitæ similis, finemq̃ coronans;
 Nostra sed in lachrymis, heu quàm durissima fors est!
 Quamq̃ graues animi sensus! quos auget vbiq̃
 Magnus amor, pretiumq̃ tui; testataq̃ nobis
 Pectoris in Matrem propensi summa voluntas;
 Inq̃ meæ sortem pietas rarissima Musæ;
 Quæ tibi victuræ, dum posthuma lumina famæ,
 Accendit, pulchroq̃ locat super axe poloni
 Climatis; immortale cupit te fulgur Olympi
 Ambiat; & Cracia Te nobile sydus in vrbe,
 Ad normam populi faciat clarere togati.

I N S C R I P T I O T U M V L I

D. O. M.

Viri sapientis tumulus, lucis in umbra radius est.
 Quorum vita speculum, conuersatio exemplum, Sapientia lux fuerat;
 eorum tumulus, publica; mortalium eruditio.

Orientem imperantium adorare, ad fortunam; Occidentem sapientium intueri,
 ad vitæ profectum spectat.

Hæc veræ claritudinis nota,
 communem ingredi, non sentire noctem;

adeò,

Ut ignem sinu fouere, gestareq̃ audeat;
 qui Clarorum virorum, totam in vrna lucem concludi putat.

Erumpet illa, tota quantumuis coniuret mortalitas:
 immortalitatis quippè portio, naturæ suæ obliuisci nequit.

Mausolæa, arasq̃ tumulis qui superinducunt, in vmbas abièrè toti.

Misera lux, quæ ex alieno quæritur;

Confessio quippè noctis, lucerna est.

Sapientium gloria, fons natiui luminis.

Clarere illi nunquam desinunt; qui lucem suam ad manum semper habent;
 in vrna magni, in vmbra clari.

Adhucne dubitas viator, & summos digitos mordes?
 Subsiste tantillum, & cogita; ad lapidem veritatis huius

verè Philosophicum stetitisti.

Clarif-

Clarissimus olim & Excellentissimus vir,
M. MARTINVS RADYMINSKI,

Philosophiæ Doctor, Collega Maior,

Protonotarius Apostolicus,

Animo, professione, calamo, vitâ, obitu,

Verè Sapiens, verè Philosophus,

Sarcophagum hunc, non tam exuuijs mortalibus, quam luce impleuit.

Si ex eorum censu, quos Phæbus amavit, vel minimus es;

cum hoc nomen agnoscis, nosti quò digitum intendam.

Præcipua illi, à virtute, & eruditione claritas,

Latere nescia; quantumuis modestissimo animi sensu, sapiùs coacta.

Ingenij vim, lucemq; natiuam, lux publica maiorem fecit.

Iagelloniæ Palladis in sinum delatus, ita eidem semper deinceps adhæsit;

ceu non alia matre genitus, eruditionis, non naturæ partus fuisset.

Geminas laurus Academicas, ita meruit, vt annulus gemmas;

non tam insigniri cupiens, quam insignire paratus.

Ex quo Coronis hisce vinctus est, fontem suum coronare nunquam desijt;

animo, virtute, calamo, eruditione,

Austriam, Germaniam, Italiam cum adijisset,

Fontem suum vbiq; respexit.

Darij arcam dixisses

in qua non Mæonidis; sed aureum Academiae nomen,

quocunq; terrarum circumlatum est.

Academicam stationem præ omnibus eligens,

hoc vnum egisse, visus est;

Vt ad Maiorum exempla veniens, eòsq; in eorum obseruantia proficeret;

donec ipse in exemplum prodiret.

Nobilissimam vtriusq; Collegij spartam, vt tantò sustineret validiùs;

ipse prius in solido virtutis & doctrinæ stetit.

Nemo scrupulosius horas dimensus, nemo minus in horas vixit.

sui & alieni temporis, parcissimus, vigiliarum, & laboris prodigus,

Officium ipse suum dum à se rigidè exigit, ipse sibi

virga censoria factus est.

Hinc

tanta in rostris, cathedrisq; viri dignitas,

tantus in ore lepos, tanta in animo vis;

Vt expectationem de se cum nunquam non auxerit, vicerit semper.

Professione suæ dum ad vnguem respondet;

non sciententiâ tantum; sed vitâ quoque Philosophus esse voluit;

C

leno-

Ienocinia vitæ, animi affectus, occasionū naufragia,

solitudine circumscribens, castigansque;

& conscientiæ vacauit, & sapientiæ.

Ipsè cum aliorum profectui, & disciplinæ intenderet;

Magisterium in se soli continentiæ, & modestiæ permisit.

in vmbra quoq; erudita cum latere elegisset;

à sola nonnisi veritate in lucem sæpius protractus;

Fauere ipsi, quantumuis malè interdum ab ea habitus, nunquam desijt.

Casu viuere nolens;

ex destinato omnia, consilijs facta præueniens, direxit;

eo vitæ ordine, quo mori nunquam timeret.

Inuenit eum vltima dies, tam compositum; quam si omnis illi suprema fuisset.

Nimirum,

Philosophari à meditatione mortis incipiens;

vitam, & Philosophiam rectè definiuit, dum rectè clausit.

Christianâ Pietate, Fide, Constantiâ munitus,

in mortis ictum non incurrit, sed venit.

In summa mortis malacia,

Omnia placidè componens, fauentibus Etesijs ad æternitatem soluit;

naufragio minimè obnoxius;

qui vltimæ voluntatis tabulas, tanto ordine, tantaque pietate compactas;

securæ ad Fortunatas vitæ æternæ Insulas navigationi, iam olim parauit;

id utique facie ad faciem contemplaturus;

quod in sua Fundatione Theologica, sub specie, & in ænigmate videri, prædicariq; voluit.

I, nunc!

& Sapientium gloriam in vrna clarè nega;

quisquis in hoc viro, veram vitæ, & mortis claritudinem non agnoscis.

Abijt ille, quò boni suspirant, vocanturque.

Tu

si lucida virtutis vestigia sequi,

& metam consequi vis;

Magno pietatis affectu, sensuque,

erudientibus ad Iusticiam multos promissam,

lucem viro Clarissimo beatissimam

apprecare.

Obijt Anno Salutis 1664. Die 18. Augusti.

Anno Ætatis suæ 54.



J. xxii. g.

